



**Eskritorio
Vise Prokurador Geral
ba Krimes Graves
Timor Leste**

UNIDADE KRIMES GRAVES INFORMASAUN IKUS X/03 22 Dezembro 2003

SCU: INVESTIGASAUN NO PRESEKUSAUN

Unidade Krimes Graves (SCU) establiza husi Autoridade Tranzisaun Nasoens Unidas iha Timor Leste (UNTAET) depois de Resolusaun Conselho Seguranca Nasoens Unidas 1272 (1999). Nebe'e hetan mandato husi Conselho Seguranca Nasoens Unidas, SCU responsabliza ba halao investigasaun no prepara karta akuzasaun atu bele tulun hodi julga ema sira nebe'e responsavel ba Krimes kontra Humanidade no krimes graves sira seluk nebe'e komete iha Timor Leste iha tinan 1999.

Desde Timor leste nian independensia iha 20 Maio 2002, SCU servisu iha autoridade legal Prokurador Geral ba Republika Demokratica de Timor Leste (RDTL). Dr. Longuinhos Monteiro mak Prokurador Geral iha RDTL. Eskritorio Prokurador Geral fahe ba seksaun rua: Krimes Ordinaria no Unidade Krimes Graves.

Unidade Krimes Graves oras ne'e daudaun lidera husi Vice Prokurador Geral ba Krimes Graves nebe'e informa funsionamento ba Prokurador Geral no responsavel atu maneja invetigasaun ho presekusaun SCU nian. Vise Prokurador Geral ba Krimes Graves nian mak Sr. Nicholas Koumjian nebe hahu servisu iha SCU iha 20 Outubro 2003.

Unidade Krimes Graves oras ne'e daudaun iha membros staf nain **111** inklui staf prokuradores, kazus manejer, investigadores, espesialista forensika ho durubasa no mos Investigador Polisia NU nain 10 no staf nasional NU nain 35 inklui durubasa no staf mortuario nian. Hanesan adisaun, Timor oan tuir treinamento Prokurador nian nain 10, kazus manejer, ITU ho staf data coding servisu iha tim nia ne'e nia laran ho staf NU iha SCU ho mos hamutuk hotu investigadores Polisia Nasional Timor Leste (PNTL) nain 18 nebe tuir tiha ona programa formasaun investigasaun iha SCU iha fulan Agustu 2003.

SCU fahe ba Tim Presekusaun 4 nia laran nebe konsiste iha Prokuradores Internasional, kazus manejer no investigadores ho mos forensika, manajemento evidensia no tim manajemento testemunha. Tim presekusaun/investigasaun iha distritos 13 nia laran iha Timor Leste tomak ho eskritorio investigasaun distrito nian nebe oras ne'e halao operasaun iha distrito Dili no Covalima ho Eskritorio SCU nian iha Oecussi taka tiha ona no tamba atu hamenus investigadores Polisia NU nian.

SCU oras ne'e dadaun investiga no persege kazus sira ba Krimes kontra Humanidade, nune'e mos ofensas individuais ba oho ema, violasaun seksual, tortura no krimes graves seluk nebe'e komete iha Timor Leste entre loron 1 Janeiro no loron 25 Outubro 1999.

INFORMASAUN KONA BA AKUZAUN SCU NIAN

Durante Unidade Krimes Graves halao nia servisu, submete ona akuzasaun 81 ba Painel Especial ba Krimes Graves nian iha Tribunal Distrital Dili. Iha akuzasaun nia laran, iha akuzasaun nebe'e hatama hasoru ema akuzados nain 369.

Akuzados iha akuzasaun 81 ne'e inklui Oficiais no Komandantes militar TNI Indonesia nian nain 37, ulun bo'ot polisia Indonesia nian nain 4, Oficiais no soldados TNI Timor oan nain 65, eis Governador Timor Leste no eis Administrador Distrito nain 5. Oras ne'e, akuzados nain 281 husi 369 nebe'e indita ona akuzasaun husi SCU sei livre hela iha Republika Indonesia.

Kazus prioridades 10 no Kazus Adisaun Krimes kontra Humanidade

Kazu prioridade 10 ne'e inklui atakes Igreja Liquica, masakre iha Igreja Suai, atakes iha fulan Setembro iha Bispo Belo nia rezidencia, atakes iha estasaun Polisia Maliana no oho ema nebe'e bataliaun TNI 745 halao. Hamutuk hotu ema akuzadus nain 183 mak akuza ho Krimes kontra Humanidade iha akuzasaun kazus prioridade 10 ho akuzados 168 husi ema nain 183 nebe'e hetan akuza sei livre hela iha Indonesia

Iha **loron 24 Fevereiro**, hasai **akuzasaun Nasional** hodi akuza eis-ministro defeza Indonesia nian no komandante Forcas Armadas, Komandante Militario Indonesia nian nain 6 nebe'e ho deviza bo'ot no eis-Governador Timor Leste ho Krimes kontra Humanidade ba oho ema, deportasaun no presegisaun durante tinan 1999.

To'o oras ne'e, akuzasaun 55 husi akuzasaun 81 mak hasai tiha ona husi SCU nebe'e akuza ba Krimes kontra Humanidade hasoru ema akuzados nain 339. Akuzasaun sira ne'e inkluido kazus Krimes kontra Humanidade hanesan kazu violasaun seksual iha Atabae, akuzasaun Baucau nian no kazu soldados TNI Timor oan nain 5 nebe'e akuza ho violasaun seksual nudar Krimes kontra Humanidade.

Akuzasaun Soldadu TNI nian husi Aileu

Iha oron **18 Novembro 2003**, akuzasaun mesak ida hatama iha Painel Espesial ba Krimes Graves akuza eis soldadu TNI Timor oan Adolfo Amaral husi distrito Aileu ba oho ema no koko atu oho ema nudar Krimes kontra Humanidade. Amaral akuza ba Francisco Alexio aka Carvalho nia mate no koko atu oho mane nain tolu besik suku Kotolau iha distrito Aileu iha loron 6 Setembro 1999. Akuzasaun ne'e alega katak grupo ida nebe fardadu soldados TNI tiru dala barak ba grupu mane nain ha'at ho Amaral husi distansia besik hafoin Francisco Alexio nebe mate husi nia kanek sira ne'e no vitima seluk la konsege mate husi nia kanek sira ne'e. Fiar katak Amaral livre hela iha Republika Indonesia. Mandadu atu kaer husu tiha ona husi Tribunal Distrital Dili nebe wainhira simu sei hatutan ba Prokuradoria Geral Republika Indonesia no organizasaun Interpol wainhira simu tiha husi SCU.

Programa Formasaun PNTL SCU nian

Iha fulan Agustu 2003, investigadores PNTL foun nain 12 tuir programa formasaun investigasaun iha SCU. Investigadores PNTL foun nain 12 iha SCU ne'e halo kompleita tiha ona kursu formasaun semana 8 iha 21 Novembro 2003 nebe halao husi Polisia konsultante formasaun nain ida nebe selu husi USAID no investigador Polisia Nasoens Unidas SCU nian nain ida. Kursu ida ne'e fo ba PNTL sira ho formasaun espesifiku iha investigasoens, prosedura legal no kapasidade espesifiku nebe relasiona ba investiga violasoens graves kona ba lei humanitaria nian. Krimes kontra Humanidade, oho ema no ofensas seksual examina ho detalhes durante kursu ne'e.

Kursu PNTL ne'e hanorin mos oinsa atu planeia no maneija investigasaun ida, inklui fatin akontesemento krime no manejamento evidencia nian. Ho remata kursu intensivu ida ne'e, PNTL nain 12 ne'e estasiona ba tim operacional investigasaun SCU nian nebe halao hela

formasaun pratikal iha kampo nebe hetan kontrola husi Polisia Nasoens Unidas no Investigadores Internacional NU nian iha sira nia treinu kontinuasaun hodi habele provizaun ruama tan kona ba formasaun adisional ruma nebe preziza.

JULGAMENTO IHA PAINEL ESPECIAL BA KRIMES GRAVES

Iha tinan 2000, UNTAET hari' Juizes Painel Especial iha Tribunal Distrital Dili atu julga kasus kona ba Krimes kontra Humanidade no krimes graves husi periodo tinan 1999. Painel Especial ba Krimes Graves konsiste Juizes Internasional nain rua no Juiz Timor oan nain ida nebe'e julga kazu Krimes kontra Humanidade no krimes graves husi periodo tinan 1999.

To'o oras ne'e, iha ona **acuzados nain 46, nain 1 hetan liberdade** no nain **2 rezeita iha akuzasaun** husi Painel Especial ba Krimes Graves desde julgamento hahu (akuzasaun 1 nebe rezeita hatama fila fali husi Tribunal De Apela – hare iha okos). Ackuzados sira ne'e no nebe hetan liberdade iha julgamento inklui soldado TNI Timor oan, membros milisia Timor oan no Forsas Rezistencia Falintil Timor oan nain ida.

Desde 1 julho 2003, akuza ona hamutuk hotu ema nain 14 inklui nain 1 hetan liberdade iha Painel Especial ba Krimes Graves sai husi akuzados nain 30 desde julgamento hahu iha fulan Janeiro 2001. Ba oras ne'e dadaun, julgamento 8 mak prosede dadaun iha Painel Especial ba Krimes Graves julga ho julgamentos ba ema akuzados iha Timor Leste nebe marka orario atu hahu iha fulan sira tuir mai.

Kondenasaun ba membro milisia Laksaur Covalima nian Miguel Mau

Julgamento Miguel Mau nian hahu iha Painel Especial ba Krimes Graves iha loron 13 Novembro 2003. Durante julgamento ne'e, Mau hatan sala ba kontas tolu kona ba Krimes kontra Humanidade iha relasaun ba krimes nebe komete iha subdistrito Tilomar iha loron 23 Abril 1999. Kontas tolu kona ba Krimes kontra Humanidade ne'e inkluido oho ema apoiantes independensia nain tolu no halakon Lodificus Rabo ho obrigatorio husi suku Nikir iha subdistrito Tilomar, no tortura ba populasaun sira no destruisaun propriadade iha atakes kordenado husi TNI no milisia Laksaur iha suku Fatukmetan iha subdistrito Tilomar.

Iha loron **26 Novemeor 2003**, Juizes iha Painel Especial ba Krimes Graves kondena Miguel Mau ba Krimes kontra Humanidade inklui oho ema, halakon ema ho obrigatorio no presekusaun. Konsedeira ba eis membro milisia Laksaur nia hatan sala, Juizes Painel Especial nain tolu ne'e sentensa Miguel Mau to'o tinan 9 iha komarka ba krimes nebe komete iha distrito Covalima iha Timor Leste iha lor on 23 Abril 1999.

Kondenasaun ba Carlos Soares (aka Carman) husi distrito Ermera.

Julgamento ba Carlos Soares hahu iha loron 6 Outubro 2003. Durante julgamento ne'e, Prokurador SCU nian iha kazu ne'e hateten katak Soares sona Graciano Mau Mario in suku Aitura iha distrito Ermera iha loron 19 Setembro 1999 hafoin insulta direktamente husi nia, maibe conselo Defeza reklama katak Soares halo asaun hodi defende a'an.

Iha loron **24 Novembro 2003**, Juizes iha Painel Especial ba Krimes Graves hetan Carlos Soares (aka Carman) nia sala kona ba oho ema nian iha violasaun seksaun 8 Regulamento UNTAET 2000/15 no artiklu 338 Panel Code Indonesia nian. Juizes Painel Especial hetan Soares nia responsavel ba Mau Mario nia mate hodi sentensa Soares to'o tinan 4 fulan 6 iha komarka kazu Carlos Soares nian mak kazu regular ida kona ba oho ema nian husi periodu tinan 1999 nebe laiha relasaun ruma ho kazu Krimes kontra Humanidade hasoru membros TNI no milisia nebe sai nudar fokus investigasoens no presekusaun SCU nian.

Fo liberdade ba soldado TNI Paulino de Jesus

Julgamento Paulino de Jesus nian hahu iha loron 4 Agosto 2003. Iha libertasaun ba dala uluk iha Painel Espesial, iha loron 8 Dezembro 2003 Juizes Painel Espesial deside husi maioria 2-1 atu liberta Paulino de Jesus ba konta ida oho ema nian nudar Krimes kontra Humanidade ida no konta ida ba koko atu oho ema nudar Krimes kontra Humanidade. Paulino de Jesus, nebe servisu nudar soldado militar (TNI) Timor oan ida iha distrito Bobonaro iha tinan 1999, akuza ba perpetrasaun direita ba oho ema nian ida no assiste iha koko atu oho ema iha suku Lourba iha loron 10 Setembro 1999.

Hafoin libertasaun ne'e, Paulino de Jesus liberta husi detensaun iha Timor Leste. Libertasaun iha Painel Espesial ne'e bele mos atu apela. Tuir Regulamento UNTAET 2000/30, Eskritorio Vise Procurador Geral ba Krimes Graves nian iha loron sanulu atu hatama nota ida ba apela nian.

Kondenasaun ba eis membro milisia Dadurus Maliana nian Salvador Soares

Julgamento **Salvador Soares** nian hahu iha loron 29 Setembor 2003. Soares kondena iha loron **9 Dezembro 2003** kona ba Krimes kontra Humanidade ba empregados staf UNAMET Timor oannain rua nia mate iha Maliana iha loron 2 fulan Setembro 1999. Soares hetan sala kona ba oho ema nudar Krimes kontra Humanidade ba sona Ruben Barros no responsavel ba oho Domingos Pereira nia iha loron 2 fulan Setembro 1999. Defendante ne'e la hetan sala kona ba tortura nudar Krimes kontra Humanidade ida ba baku Ruben Barros ba insidente ida iha Barros nia familia nia uma oin iha sidade Maliana. Juizes Painel Espesial sentensa eis membro milisia Dadurus Merah Putih husi Maliana ne'e to'o tinan 10 no fulan 6 iha komarka.

Empregados UNAMET nian nain rua ne'e espesifikamente knsentra iha atakes kordenado military (TNI) Indonesia – milisia Dadurus nebe lideira husi Sargento TNI nain ida wainhira violensia hahu makas ona iha Maliana imediatamente hafoin konsulta popular. Akuzasaun oho ema UNAMET nian hasai tiha ona iha fulan Junhu 2002 nebe akuza ema hamutuk hotu individuais nain 10 inklui eis ulun bo'ot Inteligencia distrito Bobonaro nian, Tenente Sutrisno no membro Inteligencia TNI distrito Bobonaro nian, Sargento Asis Fontes ho Krimes kontra Humanidade kona ba oho ema nian no tortura. INTERPOL nia Mandado atu kaer hasai tiha ona husi INTERPOL iha relasaun ba ema nain lima nebe indita tiha ona inklui Tenente Sutrisno, nebe mak fiar katak sei kontinua servisu iha forsas armada Indonesia nian no Sargento Asis Fontes nebe mos fiar sei hela iha Indonesia.

Kondenasaun ba eis Komandante pelotaun Laksaur nian Damiao da Costa Nunes

Julgamento ba **Damaio Da Costa Nunes aka Damianus** hahu iha loron 29 Outubro 2003 no remata iha loron **10 Dezembro 2003** wainhira Juizes Painel Espesial kondena Damiao da Costa Nunes ba kontas rua kona ba oho ema nian nudar Krimes kontra Humanidade ida no konta ida kona ba presegisaun nudar Krimes kontra Humanidade ida. Eis komandante pelotaun milisia Laksaur husi distrito Covalima ne'e hetan sala ba konta ida kona ba oho ema nian ba nia kna'ar iha sona apoiantes independensia Jaime Da Costa Nunes iha suku Mota Ulun iha distrito Covalima iha loron 27 Agosto 1999. Nunes hetan sala tan ba sona Jose Dos Reis ha nia hirus matan ihaloron 7 Setembro 1999. Nunes hetan sala tan ba persegisaun nudar Krimes kontra Humanidade ida ba naok subar no halakon Albino Nahak (aka Albino De Niri) iha sub-distrito Suai iha loron 6 Setembro 1999 nebe hafoin hetan mate tiha ona. Juizes Painel Espesial sentensa Nunes to'o tinan 10 no fulan 6 iha komarka.

Kondenasaun ba eis ulun bo'ot TNI Sargento Sergeant Marcelino Soares

Julgamento ba Marcelino Soares hahu iha loron **10 Setembro 2003** no iha loron **10 Dezembro 2003** Painel Espesial nain tolu ne'e hafoin sentensa eis ulun bo'ot TNI Sargento Marcelino Soares to'o tinan 11 iha komarka ba Krimes kontra Humanidade kona ba oho

ema, tortura no presegisaun husi detensaun nebe la tuir lei iha area Hera distrito Dili iha fulan Abril 1999. Soares hetan sala kona ba oho ema nian nudar Krimes kontra Humanidade ida ba oho Luis Dias Soares nebe hetan baku to'o mate husi membros TNI iha pos TNI nian iha vila Hera iha loron 20 Abril 1999. Soares mos hetan tan saala kona ba tortura nudar Krimes kontra Humanidade ida ba baku no tortura Luis Dias Soares no apoiantes nain 2 seluk iha pos TNI iha Hera iha 20 Abril 1999. Soares hetan tan sala kona ba presegisaun ba detensaun nebe la tuir lei hasoru mane nain tolu ho ida husi sira detainha ba loron hat nia laran iha pos TNI nian nebe nia hetan baku dala barak husi soldados TNI molok hasai nia iha 24 Abril 1999. Ida ne'e mak kazu ba dala uluk iha Painel Espesial kona ba membro TNI nain ida kondena ba Krimes kontra Humanidade desde julgamento hahu iha Timor Leste.

Krimes nebe komete iha loron 20 Abril 1999 iha pos TNI Hera mos akuza iha **Akuzasaun Hera nia laran** nebe hasai husi SCU ho akuza individuais nain 18 ho Krimes kontra Humanidade inklui tortura, deportasaun no presegisaun nebe komete iha area Hera no Metinaro iha Dili entre Abril no Setembro 1999. Ema akuzados ne'e inklui komandantes militar (TNI) nian nain 2 iha subdistrito no soldados Timor oan nain 4 ho mos komandantes milisia. Akuzados sira hotu nebe iha akuzasaun Hera nia laran fiar katak sei livre hela iha Republika Indonesia.

Desizaun iha Julgamentos ba eis membros Tim Alfa husi Los Palos

Julgamento hahu iha loron 22 Setembro 2003 ba eis membros Tim Saka **Gilberto Fernandes, Jose da Costa no Inacio Oliveira** akuza ho Krimes kontra Humanidade ba oho Verissimo Dias Quintas, Liurai Los Palos iha loron 27 Agosto 1999.

Iha loron 12 Dezembro 2003, Juizes Painel Espesial ba Krimes Graves fo libertasaun ba eis membros milisia Tim Alfa nian nain tolu nebe akuza ba oho ema no persegisaun nudar Krimes kontra Humanidade wainhira kondena eis membros Tim Alfa ba Violasaun kontra Propriedade no Ema. Preosekusaun alega katak maske akuzados nain tolu iha julgamentos ne'e nia laran laos perpetradores direita ba oho ema, sira halao responsabilidade kriminal nebe suficiente ba oho ema. Painel Espesial la acordo no liberta iha akuzasaun iha Konta Ida ba oho ema nudar Krimes kontra Humanidade. Iha Konta Rua, persegisaun nudar Krimes kontra Humanidade, Painel Espesial kualifika fila fali krime nudar "Violasaun Kontra Propriedade ka Ema nebe Komete Husi Grupo ida Unidade Ema nian ba Objektivu nebe Komun" tuir artigo 170 Kodigo Penal Indonesia nian. Evidensia nebe hatudu iha julgamento hatudu katak akuzado tiru kilat dala barak ba residencia Verissimo Dias Quintas nian. Ba aktos ida ne'e, Juizes Painel Espesial sentensa sira nain tolu iha komarka ba tinan 1 no fulan 6 ho respektivo.

Husi akuzados sira ne'e ida, Gilberto Fernandes, hetan ona kastigo husi Painel Espesial ba tortura nudar Krimes kontra Humanidade iha julgamento Lospalos nian no hetan sentensa ba tinan 5 iha komarka. Tuir Desizaun 12 Dezembro, Fernandes fila fali ba komarka agora hodi halao desizaun kastigo foun nian to'o tinan 1 no fulan 6 nia laran.

Iha akuzasaun ida nebe fo sai iha fulan Novembro 2002, Vice Procurador Geral ba Krimes Graves akuza ema nain 12 ba atakes nebe halao husi BRTT no membros Tim Alfa iha loron 27 Agosto 1999 ba Verissimo Dias Quintas nia uma, inklui ema nain tolu nebe koko ba kazu ne'e. Ho libertasaun ba eis membros Tim Alfa nain tolu ba oho ema, ema nain 9 nebe indita tiha ona oras ne'e sei livre hela iha Republika Indonesia inklui Komandantes

Forsas Espesial Kopassus TNI Indonesia nian iha distrito Lautem, Rahman Zulkarnean no Syaful Anwar no eis Administrador Distrito Lautem nian, Edmundo da Conceicao Silva nebe mak deskreve iha akuzasaun SCU nian nudar Membro Honoraria ba Forsas Kopassus Espesial TNI Indonesia nian. Akuzados nain 9 ne'e hotu akuza ho responsabilidade individual ba krimes akuza ho responsabilidade superior ba krimes. Mandado atu kaer hasai tiha ona husi INTERPOL ba akuzados nain 9 ne'e hotu, inklui Tenente Zulkarnean no Anwar nebe fiar katak sei kontinua servisu iha forsa armada Indonesia nian.

TRIBUNAL DE RECURSO

Tribunal de Recurso estabiliza iha Regulamento UNTAET 2000/11 nia okos no komesa atu halo apela iha loron 7 Fevereiro 2001. Funsau husi Tribunal de Recurso mak atu fo ba parte kazu sira atu apela desizaun husi tribunal distrital iha Timor Leste. Ne'e inklui parte sira ba kazu sira kriminal uluk nian ba Painel Espesial ba Krimes Graves iha relasaun ho krimes kontra humanidade no krimes graves sira seluk nebe komete durante tinan 1999.

Presidente husi Tribunal de Recurso mak Dr. Claudio de Jesus Ximenes nebe tur iha Painel Juizes nain tolu iha Tribunal de Recurso no mos ho Juiz Internacional nain ida no Juiz Timor oan nain ida. Iha fulan sira tuir mai, numero apela sei hasai husi presekusaun no defeza husi desizaun husi Painel Espesial ba Krimes Graves sei rona husi Tribunal de Recurso.

Apela iha kazu Domingos Amati no Francisco Matos

Iha loron 28 Fevereiro 2003, SCU indta Domingos Amati no Francisco Matos ba Antonio Pinto Soares (aka Charles) nia mate iha violasaun Seksaun 340 Panel Code Indonesia nian. Iha audensia preliminar nebe halao iha loron 11 Julho 2003, Painel Espesial nian ida rejenta akuzasaun SCU nian nebe akuza Domingos Amati no Francisco Matos ba oho Antonio Pinto Soares (a.k.a. Charles) iha loron 5 Setembro 1999 iha area Hera Dili. Juizes Painel Espesial fo reazen katak faktos nebe hatama iha akuzasaun nia laran la hatama ba "oho ema nian" iha Seksaun 340 Penal Code Indonesia nian nebe presija premediasaun. Juizes sira hakotu tiha ona katak faktos nebe alega iha akuzasaun nia laran so satisfeita rekeremento Artigo 338, nebe sira interpreta nudar "homisidio involuntariu." Maibe "oho ema nian" nebe komete entre loron 1 fulan Janeiro no 25 Outubro 1999 monu ba iha jurisdisaun Painel Espesial nian, la os "homisidio involuntariu".

Hafoin rejenta tiha akuzasaun SCU nian ne'e , iha loron 21 Julho 2003 Presekusaun SCU nian hatama apela ida ba Tribunal Apela kontra desizaun Painel Espesial nian. Iha loron 9 Dezembro 2003, Tribunal de Recurso fo sai katak Artigo 338 Penal Code Indonesia nian mak kualifika akuza nudar "oho ema" kazu ne'e monu ba iha jurisdisaun Painel Espesial nian basa la presija premediasaun, maibe sei "homisidio" desde ida ne'e presija homisidio voluntaria no tan nune'e.

Iha audensia preliminar nebe halo iha loron 11 Juho 2003, Juizes Painel Espesial rezeita akuzasaun ne'e hafoin aplikasaun ida husi Konselo Defensor ba ema akuzado ne'e. Juizes fo razaun katak faktos nebe iha akuzasaun nia laran la fo sai ba oho ema nian iha seksaun 340 kona ba Panel Code Indonesia nian. Juizes sira hakotu katak faktos iha akuzasaun ne'e barak barak mak hakonu rekerementus ba artiklu 338 (homisidio involuntario) ou tratamento ladiak iha artiklu 351

Panel Code Indonesia nian no nebe la monu iha jurisdisaun Painel Espesial hanesan fo sai iha Regulamento UNTAET 2000/15.

Tribunal Apela fo sai nia desizaun no troka desizaun Juizes Painel Espesial nian katak Domingo Amati no Francisco Matos sei simu justisa ba oho ema iha julgamento nebe sei mai iha Painel Espesial ba Krimes Graves iha akuzasaun ba oho ema iha akuzasaun orizinal SCU nian. Iha loron 9 Dezembro 2003 desizaun Tribunal Apela nian Juizes Tribunal Apela nian aplika lei Indonesia nudar lei subsidiario iha Timor Leste ba dala uluk nian desde desizaun Tribunal Apela nian atu uza desizaun lei Portugal nian iha kazu membro milisia BMP Armando Dos Santos (hare informasaun ikus SCU VII/03)

BA INFORMASAUN RUMA TAN KONA BA SCU KONTAKTO scu@un.org